

瓊州府志卷之三十一

官師志三 宦績下

國朝

佟養甲字陸海奉天人順治三年偕提督李成棟  
平粵授宮保尚書總督兩廣五年夏成棟忽謀  
叛養甲守正遇害康熙二十三年士民以勛高  
開國忠著捐軀請祀十府名宦 賈志  
于有義河南祥符監生順治四年任崖州五年四  
月寇發有義督兵破之民賴安全以追剿餘賊  
被難百姓哀之

林嗣環號鐵崖福建晉江人順治七年由進士歷

瓊州府志

卷三十一

官師 宦績

一

官按察司副使分巡雷瓊一介不取豪強屏跡  
先是賊首羅成基踞民田百姓代輸稅及賊平  
沒其產稅仍累民嗣環力請清覈以賊產入籍  
餘還之民瓊向有派役例值者苦之嗣環均其  
偏累未幾內召去以士民請祀名宦 蕭志

韓廷芑字燕翼山東青城人順治壬辰進士由工  
科給事中出爲河西道僉事轉湖南道參議調  
海南道分巡副使兼提學時瓊鎮總兵高進庫  
素跋扈視督撫太吏蔑如也廷芑獨杖拄之不  
少屈兵虐民者逮治之與將卒約勿擾市肆凡  
鬻物一錢之值必準市價商賈負擔咸安焉靖

南王駐廣州旗兵暴橫有司莫敢問一日有三  
人跨馬佩刀登廷芑之堂自稱藩官睥睨自如  
廷芑縛之而以狀申三院王爲謝過乃已自是  
藩官無敢橫者

阮通志

張奇字嘉會江南蕪湖人順治六年以鄉貢知文  
昌縣十一年正月徵糧城外遇城守楊殿臣搆  
通海賊劫糧奪印不屈死之弟意次子仲景僕

張喬同時遇害

大清一統志

劉承謨字君顯湖北沔陽州人縣志作德安人順  
治十一年知臨高縣慈惠洽民任甫三月海賊  
陷城不屈死事聞

瓊州府志

卷三十一

官師 宦績

一一

贈按察司僉事

賜祭葬廕一子

阮通志

朱之光浙江人順治十二年知府事撫字有方刑  
平政簡居官無赫赫之名而去後常見思祀名  
宦蕭志明季兵戈四起鄉民逃竄承平後流亡漸  
復留鎮弁兵擇民居之宏大者占焉諸田畝則  
爲先復籍者有焉訟田產屋宇者無虛日前守  
不能決案積數千事之光曰民有屋已不得屈  
而僦屋棲身民有田已不得耕而糴米餬口訟  
之官而官不能別其曲直則安用長官爲也  
一月盡剖斷之民得復業者數萬戶鞫事未嘗

假詞色事鞭撲民見之懷畏懼心不敢狡飾卽吐實情以是獄不留滯所屬地產沉香玳瑁諸物守土者多取以備饋遺之光悉榜免之其他德政多有可稱瓊人次其事成書名曰海日澄光記以比崔與之巡視珠崖之海上澄清錄云

阮通志

何澄直隸正定進士順治十一年任本府推官執法平允省釋冤獄當兵燹之後以休養爲己任禁戢藩下驕兵橫弁剿撫叛黎咸受約束以治最擢兵科給事中康熙二十八年祀名宦賈志

梅欽江南宣城拔貢順治十二年知崖州當用兵

瓊州府志

卷三十一

官師 宦績

一一一

後井市蕭條民皆避亂他邑欽勞徠撫循遠近流民皆襁負來歸復業康熙元年爲民請豁免荒米一千四十七石有奇并請豁免軍屯米一千九十八石在任七年多惠政卒於官崖人至今頌之賈志

李宏名浙江仁和舉人順治十二年任定安縣廉明慈惠實心愛民詳請豁免荒蕪田糧不肯虛報墾荒田畝民感德之以誥誤去民爲立祠與

巡道林嗣環並祀賈志

今祀名宦蕭志

吳翹字羽三號松巖浙江烏程人順治十三年由進士知澄邁縣精習吏事洞悉民隱詳免紳士

差米赴科舉者助以路費革蠹役除盜賊平黎  
禦寇五年間與兵事相始終招撫流亡安集百  
姓民利賴之嘗重修學宮東莞王應華爲之記

蕭志

馬文駿直隸濬縣人順治十四年知會同縣招集  
流亡給牛種以勸墾荒丈田畝以均糧稅政平  
訟簡賦薄刑清教育士林多所造就後丁艱去  
民涕泣送之

阮通志

李宗周山西人順治十七年任澄邁縣丞精明敏  
達當道重之涖任五載卓有政聲後遷烏程知

縣

澄邁志

瓊州府志

卷三十一

官師 宦績

四

邱象升字曙戒江南山陽人順治乙未進士庚子  
調瓊府通判將之官道出徐聞縣縣防兵以餉  
不至大譁城門晝閉象升直前諭之曰我瓊州  
別駕也適自省會來藩司給餉且至汝曹姑待  
三日則士飽馬騰孰與逆行干紀相率而受赤  
族之誅乎吾勉爲若留待餉至然後發耳逕叩  
關入使者署弛裝而卧士卒聞象升言遂解甲  
以聽亡何餉果至將吏兵民泣拜於途曰公活  
我倅瓊職司撫黎黎酋恃險遠數梗王化象升  
曰是不可以文諭而惠結也密檄民兵簡其精  
銳自將以出黎出不意皆大驚鳥獸散擒斬首

亂數人餘悉懾服瓊賦舊越海解藩庫瓊之兵  
餉復赴藩司請領往返數千里軍民交病象升  
建議以爲留瓊之賦餉瓊之兵其事便遂著爲  
令至今行之阮通志

張鳳徵字威鳳江南宣城人順治間以拔貢知陵  
水縣當兵燹之時撫定流移興復學校政教大  
行黎岐三十九峒聞風向化生黎亦無爲患者  
以卓異徵會卒邑人祀之大清志

王玉本姓屈番禺人順治間舉人任崖州學正清  
約自持勤於訓課貧士以束脩爲贄名皆不受  
學者重其文行翕然宗之祀名宦蕭志

瓊州府志

卷三十一

官師 宦績

五

梁英裘字治爲康熙四年任會同訓導端莊範士  
訓迪有方捐貲刊置書籍給士之貧乏者纂修

邑志清復學田士林悅服會同志

戴塤山東平度州進士康熙五年任會同縣清廉  
慈惠聽訟明允愛民敬士政暇嘗集諸生課文  
講藝未幾擢行人去之日邑人遮道挽留同上

楊天綬江南海門人康熙五年由拔貢知定安縣  
留心民瘼敝政一清居官十四年與民相安清  
晏無事民建生祠於邑東門內祀之阮通志

沈酈字澄思浙江歸安進士康熙六年任文昌縣  
里長徭役雜派不便於民者悉罷之民樂輸將

十年無逋負折獄平允案無留牘土寇韓超等  
倡亂鬻身履行間指授方畧擒斬渠魁所需兵  
糧犒賞俱出己俸毫不擾民爲政寬猛得宜愛  
民重士去日行李蕭然闔邑號泣送至郡城樵  
夫牧豎皆出錢爲贖一無所受

阮通志

金光房字天駟江南吳縣人順治己亥進士授九  
江推官以廉明稱會裁缺改知瓊山縣事益勵  
清節議定均貢香黎人樂附鄰鄉有欲以勦黎  
邀功者光房力寢其事鎮兵譁譟單騎出諭之  
軍心帖然得無他變卒於官

大清一統志

祀名宦

丁斗柄甘肅寧夏衛人康熙九年由進士任澄邁

瓊州府志

卷三十一

官師 宦績

六

令仁慈剛斷禮士愛民懲奸豪除盜賊省徭革  
耗留心生聚逃民復業黎徭向化行鄉約勤課  
藝重修邑志善政不可勝紀後以不獲上官解  
組去士民涕泣送之

阮通志

馬之驤遼東人廕生康熙十一年知萬州才猷練

達不畏強禦

賈志

催科不迫而民樂輸將防馭有

方吏胥守法在任數年士民親之如慈父母比  
去州人製帳餞送

萬州志

于覺世字子先號赤山山東新城人順治己亥進  
士歷禮部郎中出視學廣東教士先德行後文  
藝士翕然化之瓊州遠在海南前學使多憚風

濤不至覺世叱馭而往舟至中洋颶風作舟中人皆驚俄有小鳥狀如鸚鵡來集檣上舟人懽譟徑渡得無恙論文之暇廉問忠孝節義關教化者悉旌之

阮通志

朱宏祚字徽陰山東高唐州人康熙十七年巡撫粵東疏陳鹺政之弊一清陋規以勵臣志一禁換埠以靖奸風一定鹽價以杜橫索一專緝捕以免株連語語剴切商民德之瓊郡遠居海外兵燹後澄邁臨高二邑錢糧逋欠七萬一千九百兩有奇宏祚爲疏免其累擢閩浙總督祀廣

東名宦

郝通志

瓊州府志

卷三十一

官師 宦績

七

張仲德奉天人康熙十七年廣東布政使司經理全粵類多善政凡扣剋擾累諸弊盡革除之卒於官士民公請祀名宦

蕭志

李爰直隸高陽人康熙十七年由舉人知萬州請以先墾荒田抵補浮報虛糧以甦民困

同上

李華之字秀實諸城人康熙丙辰進士由中書歷任觀察粵東時瓊州峒黎猖獗華之單騎往諭更爲布置營伍兵黎相安至今帖然歷陞雲南布政使終刑部侍郎

大清一統志

俞參陞浙江山陰人康熙二十一年任澄邁令聽訟和平折獄明允招集流亡創立義學後卒於

官祀名宦

蕭志

吳世焜江南無錫進士康熙二十二年知澄邁縣  
正直廉平勤恤民隱時海寇甫息兵燹後民黎  
凋殘歲饑疫作邑人多掘草根爲食世焜捐俸  
賑濟全活無算邑數苦水患民逋賦積累世焜  
力爲清釐詳豁荒稅百有餘頃招撫流亡修城  
建學士民迄今感念不置爲鐫遺愛碑建報恩

祠祀之

澄邁志

張文豹湖廣麻城人康熙二十三年任定安縣詳  
革陋規修葺文廟建義學設義田修邑志卒於  
官邑人立祠祀之

阮通志

瓊州府志

卷三十一

官師 宦績

八

李繩祖山西解州人康熙二十三年知臨高縣爲  
民請豁荒糧哀鴻漸集邑人建祠祀之

同上

梁廷佐號疊石順德歲貢康熙二十四年任定安  
教諭捐修兩廡戟門及名宦鄉賢各祠奉母馮  
氏命捐置田畝爲諸生賓興費士林至今食德  
建祠祀之

定安志

張萬言奉天人康熙二十六年由監生知府事潔  
己愛人尤善教養民有懿行獎之以勸其餘三  
十年新設兩廣鹽院議設瓊商配引加餉瓊民  
周介文等呈稱瓊郡環海在在煮鹽自古未設  
鹽商竈戶自煎自賣若設商小民貴販難賣黎

人淡食難堪恐生不測萬言力爲詳請具題邀  
免是歲大饑發府倉積穀六千餘石以賑饑奉  
文追補還倉萬言捐資賠補適報丁艱不及買  
穀竟以貯非本色引虧空例革職士民惜之至  
今頌德賈志祀名宦

吳啓爵字縻源豐順人掛印總兵六奇季子也郡  
諸生以正黃旗侍衛從征臺灣克澎湖有功授  
山西太原總兵父卒服除授瓊州總兵康熙二  
十八年三月陵水熟黎王國臣等爲亂劫掠村  
民啓爵統兵入喃嘮陶家墜等崗擒斬三百八  
十餘人悉奪回被掠者八月生黎母葵母贊等

崙復出犯營汛啓爵率本部立破母贊殺賊十  
餘人羣黎懾服皆歸順共撫生黎一十七村計  
五百三十五戶啓爵兩次深入黎境具悉形勢  
遂自請畧定黎地廓清全瓊添設州縣爲久安  
計未行而止因設水尾太平薄沙寶停并舊設  
樂安共五營各據要路分兵駐防爲善後計再  
調天津鎮總兵行至雷州卒啓爵夙嫻籌畧戢  
兵愛民祀名宦阮志通

陶元淳字子師常熟人康熙甲子舉順天鄉試戊  
辰成進士出宰昌化時邑再罹兵燹冊籍盡燬  
奸民隱佔貧弱逃亡元淳力行清丈定爲科則

民復業者千餘家

大清一統志

乃作魚鱗冊度隙

地立墟市招流亡勸開墾予以牛穀不起征縣故與黎爲界舊設土舍制其出入官吏因緣爲姦至是撤去揭榜出峒有冤者得詣縣陳愬黎民樂業時步行村落間問民疾苦縣有田四百餘頃沒水百年元淳具陳始未請免其糧上官難之因撰浮糧考以上後布政使魯超許爲上請而元淳遽卒不果行涖昌化之明年攝崖州游擊余虎縱屬爲暴守備黃鎮中以非刑殺人獻納無厭得訴詞百餘乃列六款上聞余虎知之以百金餽郤之因造蜚語聞於總督下瓊鎮

總兵平之元淳申牘曰私謁不應發審鎮臣不應侵官卒不往方鞠鎮中獄鎮中令甲士百人帶刀突入元淳怒叱曰守備反耶吾奉令治事敢令甲士劫持是無上官也是無天子也非反而何鎮中氣懾揮去獄竟決崖人爲之語曰雖有余虎不敵陶公一怒而總督滋不悅坐元淳檢察失實得援赦尋以大計當黜巡撫蕭永藻惜其去言於總督留之以他事至瓊總兵戒其下曰陶昌化至矣無生事後以病卒於瓊喪歸渡海遇瓊士赴試者百餘人護柩行莫敢先過陽春有悍卒爭渡諸生譁曰此吾師也誰敢先

者卒懼而竄士民勒石記遺愛祀名宦郝志通

翁嵩年字康飴號蘿軒浙江仁和人康熙戊辰進士歷刑部郎中督學廣東矢心慎恪務得真才先是學使者以瓊州在海外每以風波不測爲虞嵩年日出入忠信何畏焉卽命舟人揚颿渡

海浙江通志

李聘直隸宛平人康熙三十四年由進士任陵水縣時海賊陳老大恣橫勢甚猖獗聘與城守把總定謀堵截斷其樵汲多設疑兵賊進退無據乃遣人諭降之闔邑咸頌其德阮志通

賈棠直隸河間人康熙三十七年由歲貢任瓊州

瓊州府志

卷三十一

官師 宦績

十一

府正已率屬決訟如流置義田濟孤貧歲饑捐賑民賴以甦郡治苦低窪乃除道成梁以便行旅捐俸修學宮輯郡志任瓊九年百廢具舉擢本省鹽法道整飭鹺政通商恤民祀名宦郝志通

謝賜履字建侯全州人康熙辛酉舉人官感恩知縣兩月丁母艱候代而海賊巨艘將薄城城故圯乃出弓矢授丁男婦女懷瓦石盡督壯丁持畚插築城夜則率男婦立圯處俟之凡三晝夜城完賊三薄城三引去蓋迫岸輒爲風颺去賊謂神佑不敢復近云後官至左副都御史廣志西

姜焯字曦陸山東昌邑歲貢由學博令感恩清白

自持邑故荒陋以振興文教爲己任創義學士類烝起城池壇宇多建置曉黎衆以禮義一時

向化邑人德之在任十三年擢江南徐州蕭志

高魁標號仙裴直隸滄州人康熙三十八年知澄

邁縣慈諒易直惠愛黎元嘗招撫流民墾闢荒

田二十餘頃創建南離社學集邑中子弟躬親

講課人稱爲父母師保葺城垣學宮暨各祠廟

橋道纂修邑乘凡諸義舉率皆捐俸成之口碑

至今猶藉藉焉澄邁志

張光祖山東歷城人康熙三十八年知萬州揭先

勞二字於退食齋中徵收錢糧立分限程期民

瓊州府志

卷三十一

官師 宦績

十一

不擾而鮮逋賦萬有洪口陂深陂爲利最大光

祖疏濬之灌田數千頃旱歲無憂祀名宦郝志通

樊庶江南揚州人康熙四十一年知臨高縣清廉

明潔百廢具舉實惠及民爲近日循良之首學

校壇廟橋梁皆經修建纂修縣志亦捐俸爲之

邑人爲建萬戶絃歌坊及去思碑阮志通

王贇字獻甫直隸新安人康熙四十三年領鄉薦

任瓊山令才能果斷勇於興作捐俸修學宮置

祭器建文峰塔文昌祠以振文風構茶亭以濟

行旅始修邑乘旁搜博採纂述詳明治蹟遺愛

至今不朽蕭志

關必登字揆端南海舉人補瓊山教諭博洽經更  
勤於啓迪誘進後學文風蒸蒸日上尤具史才  
前令王贄纂修邑乘倩其筆削多所糾正同上  
焦映漢陝西人康熙四十四年分巡雷瓊道勤宣  
德教扶植士氣創建瓊臺書院宏敞完固軒豁  
光明一切土木瓦礫工役之需悉出捐俸不假  
助援復置義田以供廩餼延名宿爲師聚闔郡  
生童講貫其中諸生有艱於自給者或省試無  
力者亦得仰資歲租以繼其不逮蕭志設主祀於  
瓊臺書院

王暮太倉人原祁子也康熙四十五年進士丁巳

瓊州府志

卷三十一

官師 宦績

十三

巡撫廣東時瓊州一郡編征稅銀多缺額地方  
拘於考成在地丁榔柯稅排門烟戶等項均攤  
賠派暮徹底查清奏免四千餘兩以蘇民困廣  
東濱海颶風起潮溢爲災暮委賢員協辦軫恤  
無使失所瓊州懸海外水土瘴毒泣茲土者偶  
有死亡道路遠家口不能歸骸骨旅殯暮請酌  
動存公銀兩給發路費春融集

勞翀字景雲南海人性孝友邃理學康熙壬戌授  
廣寧教諭擢高州教授以憂去服闋補韶州教  
授復丁內艱再補瓊州海外聞其名慶得師未  
幾卒於官祀鄉賢著有他山集遺安堂稿廣州人

傳

孫起範字洪九江南長洲人宰瓊山愛民禮士政簡刑輕當百姓疲敝之餘多方保護在任二年卒於官百姓如失慈父母櫬歸士民泣送至海口者以數千計

瓊山志

徐濬漢軍正黃旗人康熙五十一年知萬州以恤民為本兵燹後多橫征濫派濬悉革除之修平政仙河二橋民不病涉嘗仿行周官十二荒政以備災旱故歲稔民不流亡祀名宦

蕭志

林文英福建侯官人康熙戊辰進士五十四年由郎署出守瓊州一切陋例捐除殆盡瓊隔海南

瓊州府志

卷三十一

官師 宦績

十四

士子艱於應試文英當賓興輒捐俸金買舟以濟瓊士感之俗信鬼惑襪祥親喪怠葬或至數十年文英痛懲其弊風即革祀名宦

郝志

沈澄浙江山陰人康熙間由歲貢歷官雷瓊道清介自守表率有方多善政凡所屬有猺黎者必語其官司示以誠信由是皆率俾焉

阮通志

王安國字書城高郵州人雍正甲辰會元乾隆二年以都御史銜管廣東巡撫事七年奏裁同知二員運判一員驛丞四員巡檢二員崖州陵水昌化感恩訓導四員部議從之

舟車錄 聞

安國為

學使舊制院門嚴啓閉曰人之欲實在心苟無

欲雖日啓門何患乃設西齋延見諸生令長揖  
使知重廉恥長氣節淮海英靈集十年授禮部尙書

諡文肅舟車聞見錄

宗思聖順天大興人雍正五年任知府仁惠廉明  
興廢舉墜修整文明樓撥田畝以供香火費士  
民立祠海口祀之阮通志

應上苑江西宜黃進士雍正七年知萬州慈祥廉  
潔百廢具舉改舊所署爲義學修築東山石橋  
復建州後七星墩開九曲水大路以便往來士  
民戴之陞惠州府同知萬州志

何齊聖江西金谿進士雍正八年知樂會縣性廉

瓊州府志

卷三十一

官師 宦績

十五

明尤樂造就人材嘗捐金創建書院設膏火與  
士子講學論文諄諄不厭邑人化之樂會志

唐瑜河南人雍正十年知定安縣持身以廉愛民  
以德待士以禮決獄以智邑人立碑頌之阮通志

潘思渠字絜方江南陽湖人雍正甲辰進士十二  
年分巡海南道實心愛民請粟賑饑疏郡城東  
北河道商民利賴因名曰潘公河蕭志歷官廣東  
布政使安徽福建巡撫所至皆著政績吏兵思  
之卒諡敏惠祀賢良祠大清一統志

梅本深字花北順德人輕財周急由歲貢官感恩  
教諭殫心誘迪感恩遠在海外應秋闈者艱於

資斧本深助之擢樂陵縣阮通

田宏祚貴州石阡人乾隆五年任樂會令仁惠廉明聽訟惟允丈田定賦豁免虛糧時親閱民耕賞勤警惰視民如子民亦視如父母忘官民之迹焉同上

劉炳號描邨東莞拔貢乾隆七年任澄邁教諭宅心仁孝課士殷勤修黌宮社學改造南門橋倡建文峯塔及景蘇書院去之日士民立碑紀其

績澄邁志

楊宗秉字遠惑絳州人夙有才名果於任事乾隆二年任惠來令相度地勢開築磁窰馬隴陽岡

瓊州府志

卷三十一

官師 宦績

十六

湖等陂灌田以千萬計尤留心學校造就人才八年調瓊山縣阮通志至則興廢舉墜繕城垣修學校儲倉庫衙署寺塔無不修葺完善縣志自康熙間修後板多殘缺宗秉悉心採訪檢校成書以存文獻至今賴之採訪冊

楊枝華貴州都勻人進士乾隆十年由陸豐令遷崖州牧廉明方正除革蠹吏奸胥請豁窮民積欠立義學陶成士類歲荒捐賑民沾實惠秩滿擢雷州府同知去州人尸視之阮通志

梁英佐嘉應州舉人乾隆初由從化教諭調萬州學正博通經史雅善詩文接諸生諄諄誘掖論

文外不旁及一語丁丑第進士授戶部主事遷  
員外轉監察御史兵科給事中萬州志

彭雲際海豐拔貢由西寧教諭調萬州學正才識  
淹通毅然持正與州人士重修明倫堂新建學  
宮殷勤督理不辭勞瘁訓諸生和顏霽色人知  
自愛秩滿陞四川鄰水知縣同上

王光燮江南武進進士博極羣書淹貫經史乾隆  
十三年知定安縣課督學士不少恕庚午充同  
考官所得士皆知名者阮通志

席紹葆江蘇長洲人乾隆十六年由全州州同遷  
萬州知州以才能著愛民重士歲早步禱循行

瓊州府志

卷三十一

官師 宦績

十七

阡陌教民取水漑灌選生童數十人月赴署考  
課品其優者獎勵之議建萬安書院鳩工方始  
丁內艱去州人感念不忘萬州志

宋錦河南武陟人進士乾隆十八年任崖州知州  
慈惠清廉興學造士與楊枝華後先媲美秩滿  
陞本府同知蕭志

倪邦良福建晉江舉人乾隆二十八年知定安縣  
性廉敏有幹濟才值黎亂親冒矢石邑賴安全  
後以罣誤去輿論惜之阮通志

王錦直隸天津人進士乾隆三十年由翰林院編  
修出巡雷瓊兵備道整飭官常留心教化添設

瓊臺書院膏火田畝延請浙江名孝廉吳光昇  
爲生童師日有程月有試旬有大小兩課文風  
蒸蒸日上一時科甲聯翩而起士林德之奉長  
生牌祀於瓊臺書院探訪冊

孟毓蕃江蘇長洲人乾隆三十年任樂會知縣兼  
署萬州精明廉幹甫蒞任革小書嚴察吏弊剖  
決明允訟者帖服尤樂造就人材捐俸延師訓  
課時值黎亂弁兵往來毓蕃經畫有條民得不  
擾黎有被誣冤屈者六家毓蕃極力保全黎人  
感泣未幾卸州篆萬民赴府懇留不可旋卒於  
樂會宦橐蕭然樂萬士民捐貲歸其喪樂會志

瓊州府志

卷三十一

官師 宦績

十八

江炯安徽歙縣舉人乾隆三十四年任樂會縣仁  
廉明恕留心學校增設書院膏火鄉試賓興等  
田租士林德之設位祀於書院阮通志 四十二年  
署定安縣操守廉潔才識精明吏胥不敢欺案  
無留牘有誣控者必重懲士民愛戴有數十年  
來眞父母之謠定安志

萬卜爵雲南蒙自舉人乾隆三十七年任會同縣  
居心仁愛蒞政廉明用刑法寓慈祥之心催科  
不擾撫字心勞均現年費免貧戶逋負去任時  
民遮道如失慈母會同志

黃紹統字燕勳香山人前明祭酒佐七世孫乾隆

己卯舉於鄉選石城訓導敏雋好學誠慤廉介  
工詩古文詞以學行化一邑學者稱仰山先生  
由石城訓導陞瓊州教授士民餞送十餘里抵  
瓊訓士有方取與不苟三載卒於官嘉慶十七  
年史館徵取行狀遺集備採入文苑傳探訪冊

李維裕字容川江南上元人乾隆五十九年知萬  
州值黎人滋事上官欲以威治之維裕曰若輩  
雖不知禮義然天性具有也脅以兵力勢窮則  
服少一寬假反側如故今必屢黷軍旅誠非上  
策願假時日當以德化之比三月黎人果服擄  
繫牛畜胥獻納焉州地濱海宵小出沒島嶼間

瓊州府志

卷三十一

官師 宦績

十九

帆檣頗梗維裕設策獲陳觀祥等三百餘人餘  
黨累招弗應及維裕蒞任三年剽劫者相約不  
八萬州境維裕偵知之曰事可爲矣乃選幹役  
宣示德意於是來投首者又三百餘人至則維  
裕已歿羣盜泥首柩前曰我輩聞好官來而官  
遽逝命也痛哭不已維裕素不名一錢同官賻  
之乃得歸櫬萬州志

黎元皞四川夾江人嘉慶五年署會同令廉隅自  
飭聽訟一本至公輿情悅服捐修文昌閣以興  
文運士人德之與何江二令同祀溫泉書院阮通

志

蔡共武字毅堂浙江仁和進士嘉慶六年由翰林  
出巡雷瓊兵備整飭紀綱振興教化瓊臺書院  
頽壞捐廉修葺增添諸生膏火日課月程訓誨  
不倦後陞鹽運使司瓊士到省者猶殷勤培植  
如在瓊時多士感之祀於瓊臺書院採訪冊  
邱殿章字復齋大埔人少孤力學授徒養母乾隆  
壬午領鄉薦選曲江教諭調儋州學正陞瓊州  
教授勤於訓迪體恤貧生教人躬行實踐先品  
行而後文藝多士戴之如嚴父性恬淡篤學至  
老不倦卒於官遺書數簏而已所著有韶漢正  
音詩稿子孫占籍於瓊山

蓋運長號新田山西曲沃人嘉慶十一年由庶吉  
士改知澄邁縣洞達治體判斷如流尤樂栽培  
士類凡書院膏火賓興經費皆捐俸爲之倡十  
五年春海寇烏石二等劫掠石礮玉抱麻顏諸  
港賊艘百餘由東水駛至逼城運長募鄉勇請  
援兵躬督捍禦日不交睫旬日賊不得登岸遂  
遁邑賴以安以憂去士民攀轅泣送

言尙煒江蘇昭文縣舉人先賢言子裔孫嘉慶十  
一年知瓊山縣至卽揭學道愛人匾於堂用自  
警惕存心愷悌行已清廉政簡刑平民懷吏服  
時值海寇烏石二猖獗剽掠濱海居民尙煒教

民團練鄉勇守望防護製烏鎗數十桿召紳士領之事平繳官遂得有備無患民稱頌之卓薦陞儋州知州士民郊送數十里

朱榮號勳楣廣西臨桂進士嘉慶十九年知府事爲政得大體重士愛民杜絕苞苴爲人溫文爾雅尤善栽培寒畯調九江府郡人慕之

李景沆山東壽光縣人拔貢嘉慶二十一年宰瓊山清慎廉儉讞決精明潔己愛民約束胥吏有事下鄉夫役皆自發給未嘗需索分毫請託不行案無留牘徵比有法寓撫字於催科刑賞惟平行慈祥以安靜膺卓薦陞任羅定直隸州知

瓊州府志

卷三十一

官師 宦績

二十一

州

費丙章號新橋浙江仁和進士嘉慶二十三年由御史分巡雷瓊道嚴飭吏治大法小廉包苴不行奸貪斂跡尤加意振興文教瓊臺書院舊北向日漸傾圯丙章捐廉四百金率紳耆捐輸不下鉅萬乃拓地開基轉爲南向崇廣講堂學舍建宋五夫子祠俾士林知所準的以陞任去多士設主祀於瓊臺書院

錢維青福建甌寧人優貢生嘉慶二十四年署儋州牧儉故苦催科維青至首除積弊改圖爲里以省催比又爲立甲設墟以通貿易士民稱便

周鳴鑾號曉坡山東單縣進士道光壬午備兵雷  
瓊敏於政事案無留牘甲申歲大侵貧者多鬻  
子女於海北諭止之招米商海運請平糶接濟  
饑民所存活甚衆尤加意造士倡捐拓建瓊臺  
書院膏火籌經久之費詳定章程勒石院門又  
著學訓二篇每課士必親校閱曰講指畫諄諄  
如嚴父師瓊人士至今誦之

喻溥字公輔湖北黃梅進士道光六年任雷瓊兵  
備道察吏安民潔己愛士敬教勸學瓊臺鴈峯  
兩書院皆兼課之親加丹鉛點竄不啻塾師諸  
生百數十人赴省試者必送卷資是科獲雋三

瓊州府志

卷三十一

官師 宦績

二十一

人其後有宴瓊林登瀛洲者咸服其教澤之宏

云

俱同

官師志四

武功

唐

宋

元

明

國朝

唐

馮盎字明達

通志

高州良德人譙國夫人孫

蕭志

累代

爲本部大首領盎少有武畧隋開皇中爲宋康令仁壽初潮成等五州獠叛盎馳至京請討之文帝敕左僕射楊素與盎論賊形勢素曰不意蠻夷中有此人大可奇也卽令盎發江嶺兵擊之賊平授金紫光祿大夫仍除漢陽太守

通志參新

舊唐書

隋亡奔還嶺表有衆五萬番禺新興賊高

法澄洗寶徹等受林士宏節度殺官吏盎率兵破之寶徹兄子智臣復聚兵拒戰盎進討兵始

瓊州府志

卷三十一

官師 武功

二十二

合釋胄大呼曰若等識我耶衆委戈袒拜賊遂

奔潰擒智臣等悉有番禺蒼梧珠崖地

蕭志

自號

總管

高州志

或有說盎曰自隋季崩離海內騷動

今唐雖應運而風教未浹南越一隅未有所定公克平五嶺二十餘州豈與趙陀九郡相比今請上南越之號盎曰吾居南越於茲五代本州牧伯唯我一門子女玉帛吾之有也人生富貴如我殆難常恐弗克負荷以墜先業本州衣錦便足餘復何求越王之號非所聞也

阮通志

武德

初歸唐立儋崖振三州

蕭志

以盎爲高州總管封

耿國公

資治通鑑

宋

潘美大名人開寶三年以桂道行營都部署尹從珂為副將兵平南漢四年劉銀降遂有嶺南地得州六十縣二百四十瓊始歸宋

蕭志

陳升之官保義郎熙寧十二年撫降樂會白沙峒黎王邦佐部眾俘獲林智福等瓊管司上其功

同上

王介南雄保昌人慶元中峒寇標掠鄉村逼城下介遂奮勇擣其前鋒卻之以功擢武德將軍御賜旗題云海外四州都安撫使

阮通志

兀

瓊州府志

卷三十一

官師 武功

二十四

朱斌徐州人國寶子至元十八年同闊里吉思平

黎

蕭志

明

周旺廬州人高郵千戶洪武二年領兵開設衛所

蕭志

汪滿洪武二年同周旺追羅已終於交阯

吳成以百戶分司海南

花茂巢縣人洪武十五年以廣州左衛指揮僉事

征海南叛賊有功陞都指揮使二十七年同安

陸侯吳傑百戶吳端巡歷瓊南招集安撫奏築

海口南山二城二十八年議立南山千戶所平

崖州千家村各峒永樂四年復征平羅活峒

蕭志

吳傑安陸侯洪武二十七年同都指揮花茂巡歷

招集民丁充軍二十八年築砌海口城撥後千

戶所備禦

吳端廣州前衛中所百戶洪武二十七年進征海

南

楊暲合肥人以湖廣平章定海南後封滎陽侯贈

芮國公

同上

崔聚懷遠人少從永樂起兵宣德元年拜左參將  
隨征虜副將軍柳升討黎利升失機兵挫聚整  
軍至昌江賊來益衆官軍殊死鬪賊驅象大至

瓊州府志

卷三十一

官師 武功

二十五

陣亂賊大呼降者不死官軍或死或走無降者

聚力戰被執百討降之終不屈死

阮通志

龍昇雷州人副千戶宣德間奉調征崖攻東界等

峒擒男婦數十前後斬賊級數子補海南正千

戶

陵水志

程昶程場俱都指揮未詳籍貫宣德元年督征定

安各縣黎寇有功又天順四年有都指揮安福

亦忘籍貫嘗平土賊邵瑄有功

阮通志

王璲籍貫失載雷州揮僉奉委守瓊攝衛印與知

府蔡浩和衷共濟軍民樂業盜賊屏跡成化五

年平黎賊符那南時有都指揮李祐參將馬澄

先後平落窰黎又宏治三年參將姚英平賊陳那洋

馬澄參將成化十一年征落窰黎

胡富字永年績溪人成化十四年進士歷官廣東副使時符南蛇圍儋州富與參議劉信偵探賊突至殺信富手斬劇賊一人賊乃退還益兵討平之

錢璋都指揮宏治十五年從毛銳征符南蛇

馬義都指揮楊彪廉州指揮宏治十五年俱從毛銳征符南蛇

張經字廷彝侯官人正德丁丑進士有文武才出

瓊州府志

卷三十一

官師 武功

二十六

鎮兩廣平安南及瓊州黎進兵部尙書俱同上

歐陽必進字任夫廬陵人正德丁丑進士累官兩

廣總督時黎獐流毒珠崖乞師討之前後斬獲甚多面縛者幾千人不三月班師獻錄 徵

韓恭大興人雷州左所副千戶隨調瓊州府征黎

賊屢立戰功保吉營之敗衆皆先奔恭獨殿後賊至反兵陷陣力竭而死雷陽志

武鸞廣西人瓊州參將嘉靖十九年崖陵各縣黎歧蠢動鸞奉檄同參將董廷玉劉經北山屯指揮戚振廣州衛指揮劉海等領兵分哨勦捕斬獲無算捷聞各陞俸一級賞賚有差

柳珣安遠侯升五世孫襲祖爵嘉靖二十年奉命  
統兵征黎擒斬五千誅其酋三十人加少保卒  
贈太保諡武襄明史 同時有廣南衛指揮錢大  
有李元爵俱從征嶺脚黎有功蕭志  
吳良知字廷通少習孫吳法嘉靖時倭寇爲患海  
道譚綸薦授把總三戰三捷歷陞廣東瓊崖參  
將每戰必誓師令無殺掠故所向成功浙江通志  
梁希孔都指揮嘉靖二十八年崖黎猖獗希孔奉  
兵巡道委單騎入峒撫諭之蕭志  
顧賢雷州衛指揮吳樹惠州衛指揮張淙守備二  
十八年從征崖感黎

瓊州府志

卷三十一

官師 武功

二十七

湯克寬總兵嘉靖四十三年追平賊至崖

俱同上

黃應甲萬曆五年以總兵官鎮廣東屢破海賊斬

獲無算優敘進秩倭寇瓊崖應甲斬首二百餘

奪其舟再賜金旋入僉左軍府罷歸卒

明史李錫傳

梁拱極雷州指揮萬曆十五年調征萬州黎

蕭志

陳震漳州衛同知萬曆十七年以天津把總勦澳

首挫賊鋒卒擒渠首

翁思誨泉州中所鎮撫萬曆十七年以雷州營把

總領白鴿寨兵破賊清瀾巢

姜虎金華所千戶萬曆十七年以總兵坐營從征

澳賊平其餘黨

劉崇文南寧衛指揮萬曆十九年委撫瓊山黎

柏維實雷州指揮萬曆十九年調征黎賊俱同上

續蒙勲字世階處州衛人襲衛指揮多膺力後掌

衛篆陞雷州白鴿門千總築兩埠修營房八戰

擒倭寇百三十餘人斬首二百級遷都闔坐營

合剿瓊崖黎寇以破巢功最陞參將阮通志

黃鉞浙江上虞人武狀元素有韜畧膂力過人累

官瓊州參將萬曆四十二年崖黎滋擾統軍征

討厲士卒具糗糧與陽電參將葉應春署雷廉

參將楊應春廣西柳慶參將熊大經廣州衛指

揮王中燿白沙寨把總王熙葉思義等刻期進

瓊州府志

卷三十一

官師 武功

二十八

剿大小凡十餘戰俘馘不可勝計大挫黎蠻民

賴以安鉞後陞潮州總兵蕭志

王選黃岡人由廣東都司署瓊崖參將萬曆四十

二年同征崖黎

楊應春署雷廉參將萬曆四十二年征羅活崙

葉思義白沙水寨閒住萬曆四十二年以征崖黎

卒

王熙白沙寨把總萬曆四十二年同征崖黎後陞

遊擊

王中燿廣州前衛指揮萬曆四十二年同征崖黎

熊大經廣西柳慶參將葉應春陽電參將俱萬曆

四十二年從征崖黎

俱蕭志

國朝

高進庫陝西人順治九年總鎮瓊州平服黎崙進

秩都督同知廕一子

蕭志

江起龍江南徽州人順治十三年任水師參將駐

劄白鴿寨始至營署俱圯無城塹可守乃捐貲

立營寨招居民屯聚爲墟市商賈畢集康熙三

年遷海安龍遂進副將五年出洋捕盜風發舟

覆殞焉疊著神異雍正九年

欽定英佑驍騎將軍之神起龍爲人仁男忠直故生著

匪躬之節歿顯利涉之功宜膺大典云

郝通志

瓊州府志

卷三十一

官師 武功

二十九

楊廷潮州人康熙八年瓊鎮左營千總隨征逆賊

王之銑陣亡優卹

同上

謝謙揭陽人康熙中海寇楊二聯等犯儋耳謙與

瓊山令茹鉉協剿設伏突攻大敗之焚巨艦五

擒長毛賊二十七人辛酉二月賊復聚數萬寇

擾東西路陷海口所暨澄邁定安諸邑將逼郡

城謙率七舟併力鏖戰一晝夜身被數十創力

窮被執不屈死

大清志

蔡璋字秉鉞福建晉江人康熙十九年由江西水

師總兵調順德鎮抵任首治戰艦詰戎兵定汛

守明賞罰逾年簡舟師徑突海陵出賊不意傾

其巢穴賊謝昌走外洋旋與楊二洗彪合勢復振會犯瓊南璋率師渡海賊分三路拒敵璋麾樓船結大陣令槳舸迎潮擊其尾大敗之斬獲僞官弁等六百餘級生擒三百人餘悉赴水死救回被擄子女三千餘人悉分遞回籍數年海患以息

阮通志

張瑜虎門藩委副將相傳謂康熙十九年海逆謝

昌之亂戰死今祔享瓊山縣江起龍祠

郝通志

董三策江寧人康熙癸丑武進士任萬州遊擊奉檄剿賊定安轉戰百餘里所向無前遂恢復縣城恃勇復深入黎崙中毒矢死

大清志

瓊州府志

卷三十一

官師 武功

三十一

黃友瓚字盛文順德人積功累授本省遊擊嘗以數十騎擊海寇於崖州殲其巨魁由是名震瓊南旋奉命撫戢生熟黎徭往來嵐瘴間勤勞而

卒

阮通志